

LITŠIEA TSE 3 TSA TEMO E BABALLANG MOBU LE MONGOBO

1) Ho se phethole lekote 2) Ho apesa mobu nako tsohle ka mahoang kapa lijalo 3) Tlhahlamisano ea lijalo kapa tlhakantšutšu

1 Tšiea ea pele: Se ke oa phethola lekote kapa ho hlekefetsa mobu

Mokhoa o na o sebelisa likotjana kapa polantere ea ngoapa-u-jale lehlareng le sa phetholoang. 'Me o ka sebelisoa temong ea mefuta e fapakaneng ea lijo thollo le meroho.

Temo ena e ka etsoa ka matsoho (likotjana) kapa ka polantere ea likhomo le ea terekere.



Temo ea likotjana ka matsoho

Tšebeliso ea mechini: lipolantere tsa likhomo kapa terekere

Melemo ea ho se phethole lekote



Ho thibela khoholeho ea mobu e bakoang ke metsi kapa moea.



E ntlafatsa sekahla seo metsi a pula a ngobelang ka sona mobung, 'me e boloka mongobo.



Ho ntlafatsa chai ka tšebeliso e fokolang ea monontša, 'me khabareng e fokotsa bongata ba monontša o ka sebelisoang.




Ho fokotsa litjeo: mafura le nako.



Ho ntlafatsa mosuoela mobung.



LIJO TSA BASOTHO




2 Tšiea ea bobeli: Ho boloka mobu o apere ka nako tsohle ho sebelisoa mohoang kapa lijalo


Mobu o apesoa ka mohoang o hetsoeng 'me oa aloa tšimong kapa lijalo tse lemetsoeng ho koaela mobu. Molemo oa kobo ena ke ho sireletsa mobu le ho thibela khoholeho e bakoang ke metsi kapa moea; ho boloka mongobo le ho bipitsa lehola.



Melemo ea ho apesa mobu ka mohoang, matlakala le lijalo: Matlakala le lijalo



Ho thibela khoholeho ea mobu e bakoang ke metsi kapa moea.



Ho bipetsa lipeo tsa lehola le pele li mela.



Ho thusa ho busetsa matsoai mobung.



Ho eketsa le ho boloka mosuoela mobung.




3 Tšiea ea boraro: Tlhahlamiso ea lijalo kapa ho jala tlhakantšutšu


Tlhahlamiso ea lijalo e bolela ho lema lijalo tsa mefuta e fapakaneng ka ho latellana tšimong e.g. ho lema poone/mabele ka morao ho lierekisi tsa mariha kapa ho lema koro ka morao ho linaoa.



Melemo ea tlhahlamiso ea lijalo



Taolo ea mafu le likokonyana: lijalo li hlaseloa ke mafu le likokonyana tse sa tsoaneng. Leoa lena le thusa ho loants'a mafu le likokonyana ntle ho litjeo tsa letho.



Ho ntlafatsa tšebeliso ea mongobo kaha metso ea lijalo ka ho fapana e noa metsi botebong bo sa tsoaneng.



Ho ntlafatsa mobu le tlhahiso: Lijalo li lata matsoai botebong bo fapaneng ho latela mefuta ea tsona. Hape lijalo tse kang linaoa le lierekisi li tseba ho nka matsoai a itseng moeeng 'me li a kenye mobung molemong oa lijalo tse kang poone ha li hlahlamana, hobane poone ha e khone ho iphumanela matsoai a joalo.